

INTERNACIA JURNALISTO

ORGANO DE LA TUTMONDA ESPERANTISTA JURNALISTA ASOCIO (TEJA)

SOLENA DEMONSTRACIO DE INTERPOPOLA AMIKECO, UNUECO KAJ PACO

En la antikva, dumiljara „Ora Majenco“ (Mainz) — Okcidenta Germanio, okazis en aŭgusto j. k. la 43-a Universala Kongreso de Esperanto. La internacia renkontigo estis eĉ simbola. En tiu famekonata urbo pro sia plej granda filo Johannes Gutenberg-la inventinto de la presarto, kie ankoraŭ elstaras multaj ruinaĵoj de la furioza ventego de la lasta mondmilito, dank'al la sinofera agado de la prezidanto de la Loka Kongresa Komitato kaj fervora esperantistola ĉefurbestro s-ro Franz Stein, en la multnombraj salonoj de la mezepoka Palaco de la iamaj Princoj-Elektantoj, proksimume 2,150 kongresanoj membroj kaj amikoj de la Universala Esperanto-Asocio el 40 landoj havis la okazon demonstri en plena interkonsento kaj interkompreno sian profundan senton de interpopola amikeco, unueco kaj paco.

Tion oni konstatis tiel en la ĝeneralaj kunvenoj, en la laborkunsidoj, kiel en la fakkunvenoj, en la amuzoj kaj akceptoj, kaj ankaŭ dum la ĝajaj ekskursoj.

Pro manko de loĝo en nia „Internacia Journalisto“ ni ne priskribos detale la diversspecajn laborojn de la 43-a Universala Esperanto-Kongreso, ĉar niaj TEJA-anoj legos detalajn informojn pri la Kongreso en „Esperanto“ de UEA kaj en aliaj esperantaj gazetoj. Sed tie ĉi ni devas emfazi, ke ankaŭ la multnombraj jurnalistoj esperantistoj, partoprenintaj la Kongreson, ĝuis la senton de tiu internacia amikeco kaj solidareco.

La 43-a jam forpasis en la historion. Sed tiu interpopola esperantista renkontigo restos por ĉiam neforgesebla por tiuj esperantistoj, kiuj havis la feliĉon partopreni ĝin.

Iv. Esp.

„STAMPA INTERNAZIONALE“ SALUTIS LA FAKKUNVENON DE TEJA

La direktoro de „Stampa Internazionale“ — Agenzia Giornalistica d'informazione en Torino, Italio, sendis al la fakkunveno de TEJA en Mainz la jenan afablan salutleteron per s-ino M. Vogel:
„Bonvolu saluti en la nomo de la unua GAZETAR—INFORMA AGENTEJO, kiu

uzas oficiale la Esperantan lingvon, la jurnalistan kunvenon, kiu okazos dum la Kongreso en Mainz.

Kun altestima saluto

LA DIREKTORO
(d-ro Prof. A. V. Rossi)“

GENERALA FAKKUNVENO DE TEJA EN MAINZ

La 43-an Universalan Esperanto-kongreson vizitis ankaŭ pli ol 50 ĵurnalistoj, redaktorcj, korespondantoj de gazetoj k. a. La entuziasmoplenaj TEJA-anoj partoprenis ankaŭ la aliajn laborojn de la kongreso.

La preparoj por la fakkunveno de TEJA komenciĝis ek de la unua tago de la kongreso. Niaj TEJA-anoj kun ĝojo renkontiĝis, interkonatiĝis kaj amikiĝis. Kelkfoje oni povis vidi la gajan prezidanton de nia Asocio s-anon Thormodsen, la vigan vicprezidanton s-inon Vogel, la redaktoron de nia organo s-anon Keremidĉiev, la komitatanojn Dobĉnik (Jugoslavio), kaj Mayer (Pollando) kaj aliajn aktivulojn, kunsidantaj kaj pridiskutantaj la raportojn kaj la tagordon de nia fakkunveno.

La fakkunveno de la Tutmonda Esperantista Ĵurnalista Asocio okazis la 5-an de aŭgusto je la 17-a horo en la salono „Kabe“ de la kongresejo. Ĝin partoprenis 31 ĵurnalistoj el 10 landoj-Germanio, Francio, Norvegio, Bulgario, Jugoslavio, Pollando, Italio, Svedio, Brazilo, Nederlando. Tiom multaj partoprenantoj el tiom da landoj estis ĝoja fakto kaj entuziasmiga premiso por fruktodona laboro. Kaj tiel okazis: en la laboro de la kunveno kaj dum la diskutoj aktive partoprenis multaj gekolegoj el multaj landoj. Konsiderante la gravecon de nia TEJA ili serioze pridiskutis la faritajn raportojn kaj donis valorajn rekomendojn, sugestojn kaj ideojn por la plibonigo de nia afero.

La kunvenon malfermis per konvenaj salutvortoj la prezidanto Thormodsen, kiu deklaris la jenan tagordon: 1) Raportoj de la Estraro pri la ĝisnuna agado de TEJA kaj pri la redaktado de „Internacia Ĵurnalista“, 2) Projekto-plano kaj taskoj por estonta laboro, 3) Diskutado kaj 4) Kompletigo de la Estraro.

Post la aprobo de la tagordo fare de la ĉeestantoj la prezidanto raportis pri la ĝisnuna laboro de la Estraro kaj la agado de TEJA. Li montris la gravajn sukcesojn

de la Asocio dum la periodo post la Marsejla fakkunveno pasintjare. En TEJA jam membras pli ol 170 ĵurnalistoj el ĉirkaŭ 25 landoj. Grava ĉvento por nia Asocio estas, ke post la pritraktado kaj interkonsento inter la Estraroj de UEA kaj TEJA, nia Asocio jam fariĝis kunlaboranta organizaĵo de la Universala Esperanto-Asocio. Tuŝante la demandon pri la nombro de nia membraro, la prezidanto emfazis, ke kvankam jam plialtiginta, ĝi estas tamen nesufiĉa. En la mondo estas ankoraŭ multaj ĵurnalistoj, kiujn ni devas altiri al nia TEJA. En la mondo aperas centoj da esperanto-gazetoj kaj ĵurnaloj. Ĉu iliaj redaktoroj ne okupiĝas pri ĵurnalista laboro? Unuavice ilin ni devas membrigi. La grundo por nia TEJA-afero estas fruktodona. Ni povas kaj devas plilargigi la reton de niaj membroj kaj grupoj en ĉiuj landoj.

La Estraro de TEJA laboris konscie laŭ siaj eblecoj. La estraranoj Thormodsen, Kavenius, Vogel, Ribot kaj Keremidĉiev interkontaktis regule konsilinte pri diversaj organizaj kaj aliaj problemoj. Bedaŭrinde nia sindona sekretario André Ribot pro granda okupateco en la Franca Esperanto-Federacio antaŭ du monatoj tradonis siajn funkciojn al s-anoj Vogel kaj Keremidĉiev, restante nur estrarano de TEJA. Ni tamen devas danki al li pro lia ĝisnuna agado.

— Ĝis nun-diris s-ano Thormodsen-TEJA estis en periodo de restariĝo kaj renoviĝo, de organiza plifortiĝo. Ek de nun ni povas kaj devas direkti niajn tutajn fortojn al pli vasta propagando, al organizado de vigla kultura kaj profesia kunlaborado inter la membroj de nia Asocio, al reciproka gastigado ktp. Por ke ni povu efektiviĝi la celojn kaj la taskojn de TEJA, estas necesa tamen ne nur la sinoferema laboro fare de la Estraro, sed ankaŭ la apogo kaj la kunlaborado de ĉiuj niaj membroj.

Fine la prezidanto esprimis sinceran dankon al niaj komitatanoj kaj reprezen-

tantoj en Danlando, Sovet Unio, Rumanio, Pollando kaj Bulgario, kiuj konstante kunhelpis la Estraron en ĝia laboro.

Redaktoro Keremidčiev tralegis partojn el la raporto de la fakkunsido de TEJA dum la U. K. en Kopenhago por informi la ĉeestantojn pri la restarigo de TEJA kaj el la raporto de la Marsejla fakkunveno de TEJA 1957 j., poste la redaktoro de nia organo raportis pri la redaktado kaj la financa stato de „Internacia Journalisto“. Post la U. K. en Marseille la presorgano komencis aperi presita en 4–6 paĝoj. Ĝi fariĝis bona organizilo kaj interligilo por niaj membroj. La organo aperas en 500 ekzempleroj kaj estas sendata al ĉiuj membroj kaj amikoj de TEJA kaj interŝanĝe al la tuta esperantista gazetaro. La apero de „Internacia Journalisto“ estis renkontita kun gojo de ĉiuj membroj de nia organizo. Multaj el ili perletere salutis la redakcion bondezirinte al ĝi fruktodonan laboron. La organo helpis al la prioritikiĝo de TEJA. Tuŝante la demandon pri la ĝisnuna enhavo kaj redaktmaniero de „Int. J-sto“, la redaktoro menciis, ke en tiu rilato la redakcio faris nur la unuajn paŝojn. La organo ĝis nun havis plejparte karakteron de organiza bulteno. Kaj tiel devis esti dum la unua, reorganiza periodo de TEJA. Sed estonte tio ne kontentigos. „Internacia Journalisto“ jam devas aperi pli varia, riĉenhava, pritraktanta gravajn organizajn, profesiajn, kulturajn k. a. problemojn. Eĉ ni devas publikigi ankaŭ diversspecajn literaturajn materialojn. Tiaj estas ankaŭ la sugestoj, ĉu personaj, ĉu perleteraj, de nia anaro. Sed tion la redakcio efektivigos nur per la konstanta kunlaborado de niaj membroj.

Pri la financa stato de nia organo. La redaktoro raportis, ke la membrokotizoj ankoraŭ ne estas sufiĉaj por eldonado de la organo, malgraŭ ke la plimulto de nia anaro pagis sian kotizon. Pro tio, por aperi „Int. J-ston“ la redakcio serĉas la financon apogon de apartaj bulgaraj kolegoj kaj grupoj per la anoncita fonduso, la serpagan laboron de presistoj, donace ricevitan paperon kaj materialan helpo-

de la Bulgara Esperanto-Asocio kaj de la Asocio de la bulgaraj ĵurnalistoj. La redakcio de „I. J.“ tamen atendas ankaŭ la financon apogon de ĉiuj niaj membroj. Oni devas subteni la organon fonduson volonte. Por akiri eldonrimedojn la redakcio anoncos vastan kolektadon de abonoj ankaŭ fare de la cetera esperantistaro tutmonda, ne membranta en TEJA. La organon povas aboni ankaŭ ne ĵurnalistoj, interesataj pri nia afero.

En la diskutado de ambaŭ raportoj partoprenis vigle multaj ĉeestantoj: s-anoj Lucien Giloteau el Croix (Francio), d-ro Dino Fabris el Cittadella (Padova, Italio), Börje Andersson el Skövde (Svedio), Kazimierz Malycha el Bydgoszcz (Pollando), Jerzy Uspienski el Warszawa (Pollando), Sylla Chaves, brazilano, el Parizo (Francio), Olav Thormodsen (Norvegio), Maria Vogel (Germanio), Ivan Keremidčiev-Esperov (Bulgario), Zlata Flego el Zagreb (Jugoslavio) k. a.

S-ano Giloteaux, tuŝante la demandon pri la membreco en TEJA, rekomendis, ke la Estraro enketu pri la konsisto de la membraro kaj informiĝu pri la faka laboro de ĉiu membro aparte, pri ties ĵurnalista kunlaborado. Tiamaniere ni komprenos, kiuj estas profesiaj ĵurnalistoj por „A“ kategorio kaj kiuj ne estas profesiuloj, sed kunlaboras al la gazetaro por „B“ kategorio. S-ano Chaves sciigis, ke en Brazilo 95% de la ĵurnalistoj havas alian oficon kaj nur krome ili kunlaboras kiel ĵurnalistoj en la gazetaro. Tial en TEJA devas membri ankaŭ neprofesiuloj. Tiamaniere esprimis ankaŭ s-anoj Uspienski, Keremidčiev k. a. S-ino Vogel akcentis, ke estas necesa faka pureco minimume inter la „A“ membroj. Oni devas difini la kategoriojn. S-ano Malycha rekomendis, ke pri la interŝanĝa servo ĉe la Estraro okupiĝu rekte la estraranoj. S-ano Uspienski diris, ke la Estraro nepre trovu eblecon interŝanĝi la gazetmaterialojn inter la membroj kaj pruvi la utilecon de la interŝanĝa servo. La prezidanto Thormodsen klarigis, ke la interŝanĝa servo ne funkcias bone pro la

nebleco de iuj landoj pagi aŭ aĉeti respondkuponojn. Tiu servo estas tute nova kaj ĝis nun ne donis bonajn rezultatojn.

S-ino Andersson opiniis, ke estus pli bone ne sendi la presorganon al tiuj, kiuj ne pagas la kotizon. Tiamaniere ili interesiĝos, pri la gazeto. Oni agu same ankaŭ al ne-membroj-varbotaj. S-ano Chaves rekomendis, ke TEJA kontaktigu kun la pres-fako ĉe UNESKO, kio nepre donos efektivajn rezultatojn por nia afero. S-ano Keremidĉiev deklaris, ke la Estraro de TEJA eltrovos la fakon de la membro. Iamaniere ni devas montri nian organon kaj la ekzistadon de TEJA kiel neŭtrala tutmonda organizaĵo ankaŭ al la neĵurnalista esperantista kaj neesperantista ĵurnalista publiko. Tiamaniere ni propagandos Esperanton, nian aferon kaj akiros novajn membrojn. La membreco en TEJA estu ankaŭ estonte individua. En iuj landoj oni organizis ĵurnalistan sekciojn laŭ la eblecoj-en Bulgario-ĉe la Bulgara Esperanto-Asocio, en Pollando-ĉe TEJA, en Rumanio kaj Jugoslavio-memstarajn, en Sovet Unio oni intencas fondi sekcion ĉe la Unuiĝo de la sovetaj ĵurnalistoj. Pri tio ni ankoraŭ ne havas ĝustan opinionon. Sed ĝis kiam ni precizigos tion, oni povas laŭ la enlandaj kondiĉoj, organizi ĵurnalistan sekciojn kaj grupojn. En landoj, kie ekzistas sekcioj, grupoj, komitatoj kaj reprezentantoj de TEJA, ni pli facile povas kontroli la fakon de la membriĝontoj al TEJA.

Post tio Keremidĉiev tralegis la projekto-planon-rezolucion por la estonta agado de TEJA, en kiu interalie estas dirite:

TEJA devas streĉi fortojn por eltrovi ĉiujn s-anojn-ĵurnalistojn en la mondo: redaktorojn, publicistojn, foto kaj televidraportistojn k. a. kaj membriĝi ilin al nia Asocio; TEJA kontaktigu kun la ekzistantaj ambaŭ tutmondaj ĵurnalistaj organizaĵoj, kaj kun la naciaj ĵurnalistaj unuiĝoj kaj kunlaboru kun ili pri profesiaj demandoj. En iliaj organoj ni povas ape-

rigi artikolojn, sciigojn k. a. pri TEJA, per ilia helpo ni povas organizi esperanto-kursojn por ĵurnalistoj. En iuj landoj oni alpagas 7—10% al la salajrataj profesiaj ĵurnalistoj, scipovantaj alian fremdan lingvon. Per la ĵurnalista profesiaj unuiĝoj ni devas akiri tian alpagon ankaŭ por la ĵurnalistoj, scipovantaj Esperanton. Ni devas stabiligi nian Interŝanĝservon, organizi la reciprokan ĵurnalistan kunlaboradon kaj gastigadon. Oni devas apogi la fonduson de „Internacia Ĵurnalisto“, kunligi TEJA-n kun UNESKO, organizi enketon pri la fako de niaj membroj, daŭrigi la aperadon de adreslistoj de novaj membrojn en „I. J.“ plibonigi la presorganon, fari ĝin pli riĉenhava kaj varia, se eble ilustrita; ĉiu membro devas fariĝi fakdelegito de UEA kaj kunlaborato de ĝia informa servo.

Prezidanto Thormodsens rimarkigis, ke la Estraro havas antaŭvide en sia laboro ankaŭ la donitajn rekomendojn kaj sugestojn fare de la ĉeestantoj dum la nuna ĝenerala fakkunveno de TEJA.

La lasta punkto de la tagordo estis: kompletigo de la Estraro. S-ano Matko Dobĉnik diris, ke pro granda okupateco li ne povas esti estrarano kaj starigis la kandidatecon de s-ano Takaĉ Željko el Zagreb (Jugoslavio).

La prezidanto menciis, ke la ĝisnuna Estraro estis 5-membra. Laŭ la statuto ĝi devas esti 7-membra. Do, oni devas elekti ankoraŭ du novajn estraranojn. Dum la venontjara fakkunveno oni elektos novan Estraron. Por novaj estraranoj estis proponitaj aliaj ĉeestantoj. R-ro Dino Fabris konsentis fariĝi estrarano.

La ĉeestantoj unuanime elektis kiel novajn membrojn de la Estraro s-anojn Dino Fabris el Italio kaj Takaĉ Željko el Jugoslavio,

Konklude, la prezidanto Thormodsens dankis al la ĉeestantoj pro ilia vigla diskutado kaj bona interkonsento bondezirinte sukcesplenan kunlaboradon kaj agadon de ĉiuj TEJA-anoj dum la venontjara. Per tio li fermis la fakkunvenon.

POSTFAKKUNVENA KUNSIDO DE LA ESTRARO DE TEĴA EN MAINZ

LA SEKVANTAN TAGON, POST LA FAKKUNVENO, LA ESTRARO DE TEĴA HAVIS KUNSIDON. ĜI KONSTITUIĜIS JENE: PREZIDANTO — OLAF THOR-MODSEN (HORVEGIO), VICPREZIDANTO-NILO KAVENIUS (FINNLANDO), SEKRETARIO—KASISTO—D-RO DINO FABRIS (ITALIO), HELPSEKRETARIO — MARIA VOGEL (GERMANIO), REDAKTORO KAJ HELPKASISTO — IVAN KEREMIDĈIEV—ESPEROV (BULGARIO),

MEMBROJ — ANDRÉ RIBOT (FRANCIO) KAJ TAKAĈ ŽELJKO (JUGOSLAVIO).

LA PROVIZORA SEKRETARIO, S-INO VOGEL TRANSDONIS LA MEMBROLISTON KAJ LA CETERAJN DOKUMENTOJN AL LA NOVELEKTITA SEKRETARIO- KASISTO S-ANO DINO FABRIS. ESTIS PRITRAKTITAJ ANKAŬ KELKAJ ANTAŬSTARATAJ TASKOJ DE LA ESTRARO.

TEĴA SALUTIS

LA 43-an ĜNIVERSALAN KONGRESON DE ESPERANTO EN MAINZ . . .

En la ĉeesto de pli ol 2000 kongresanoj dum la ĝenerala kunveno en la nomo de la Estraro de la Tutmonda Esperantista Ĵurnalista Asocio salutis la Ĝniversalan Esperanto-Kongreson en Mainz Ivan Keremidĉiev-Esperov, TEĴA-estrarano kaj redaktoro de „Internacia Ĵurnalisto“. Montrinte la lastjarajn sukcesojn de TEĴA kaj de ĝia presorgano, la salutinto esprimis la grandan kontenton kaj dankemon de ĉiuj TEĴA-membroj al la Estraro de la

Universala Esperanto-Asocio pro la granda evento-la akcepto de TEĴA kiel kunlaboranta organizaĵo de UEA. Bondezirante sukcesan laboron al la Ĝniversal Kongreso, s-ano Esperov emfazis pri la grava rolo de TEĴA por la Esperantomovado tutmonda kaj pri la neceso de pli proksima fruktodona kunlaborado inter ambaŭ internaciaj esperanto-organizaĵoj.

. . . KAJ LA 33-an BULGARAN ESPE- RANTO-KONGRESON

Dum julio j. k., en urbo Varna okazis la 33-a Esperanto-Kongreso de la bulgaraj esperantistoj. La kongreson partoprenis ĉirkaŭ 1500 bulgaraj esperantistoj kaj 75 fremdlandaj gastoj el 14 landoj. En la nomo de TEĴA salutis la kongre-

son la estrarano Matko Dobĉnik el Ljubljana, Jugoslavio. La salutinto notis la gravan rolon de TEĴA kaj ĝia signifo por la esperantomovado kaj por la internacia socia vivo.

ONI UTILIGAS INFORMOJN EL NIA ORGANO

Gazeto „Esperanto en Slovakio“ aperanta en Martin, Ĉeĥoslovakio, en n-ro 9, j. k., sub rubriko „Esperanto

en USSR“ donas informon pri la plivigliĝo de la esperantomovado en Sovet-Unio, ĉerpita el „Int. Ĵurnalisto“

LA TEMPO, KIAM ONI PREPARIS LA FONDON DE TEJA

Certe la legantoj de „Internacia Journalisto“ iufoje interesigas ekscii ion pri la preparoj por fondi nian Asocion. Ĝis nun, tamen, oni nenion vidis skribitan sur la paĝoj de iu gazeto. Eble multaj esperantistoj-journalistoj ankaŭ povus rakonti ion pri tiu ĉi afero, sed nun mi rakontos iom laŭ mia tiama korespondado.

Post la Dua Mondmilito, kiam mi rekomencis korespondadi kun mia iama konatulo, la redaktoro Einar Adamson el Göteborg, mi prezentis al li la demandojn: kion li opinias pri kunagado inter la journalistoj-esperantistoj. En sia respondo de la 14-a de julio 1945 li skribis: „Eble ni povas fari ion por kolekti la journalistojn kaj ĉiuj kontaktos kun ni por formi sekcion.“ Post reciproka konsento ni komencis per korespondado pritrakti la demandojn. Tuj poste, Adamson skribis pri la sama afero en iu Esperanto-gazeto, rakontante al mi jam je la 7-a de oktobro 1945: „... multaj skribas kaj dankas pro la iniciato, kiun ni prenis sur nin ambaŭ. Mi faros duan liston, kiam mi havos jam 20 adresojn.“

La pritraktado daŭris, kaj la redaktoro Adamson intertempe korespondadis kun multaj journalistoj el diversaj landoj. En la sekvantaj leteroj, en la komenco de 1946, li skribis pri organizaj demandoj: kiel elekti estraron de la Asocio, kaj la 27-an de aprilo s. j. li sciigis min, ke li jam ricevis proponon-projekton de statuto.

En la aŭtuno de 1946 la afero estis jam evoluinta tiom, ke en septembro li sendis al mi proponon por alvoko fondi TEJA-n. La alvoko komenciĝis per la frazo: „Post la unua alvoko, en la Esperanto-gazetaron alvenis multaj proponoj — ke ni, en Skandinavio, elektu provizoran estraron antaŭ la kongresoj en Berno (IEA) kaj en Aarhus (SAT).“ Tiun ĉi alvokon subskribis la provizora estraro, kiu

ĝis tiam estis kolektita per korespondado el inter la plej aktivaj journalistoj, kun kiuj oni havis kontakton. Tiun alvokon oni sendis al diversaj Esperanto-gazetoj kaj nur en kelkaj landoj — al enlandaj nacilingvaj gazetoj. La sveda „Arbeiterblad“, ekzemple, publikigis ĝin kiel novaĵon pri la fondo de Esperantista Journalista Asocio, la 29-an de novembro 1946.

En la arkivoj de TEJA troviĝas protokolo, farita dum la kunveno en Berno, kie oni oficialigis la elektitan estraron kaj oni decidis pri aliaj gravaj problemoj de la Asocio.

Pri la organo de TEJA mi skribis, la 2-an de februaro 1947, al la elektita sekretario de TEJA, la redaktoro Adamson: „Ĉu vi opinias, ke ni povus aperi malgrandan bultenon por la membraro?“ Poste Adamson realigis la ideon, eldoninte entute 21 numerojn de la TEJA-bulteno. Tamen tio donis al li tre multan laboron. Pro tio mi skribis al li, la 20-an de novembro 1947: „Kiam nia organizo plifortiĝos, ni esperu, ke ni trovos kolegon, kiu povos aperi presitan bultenon. Plej bone estus, se ni trovus presejon en lando, kies valuto estas malalta, kiel ekzemple en Finnlando, aŭ en Bulgario.“

En junio 1953, la prezidanto de TEJA, la ĉefredaktoro C. Hilmer Johanson el urbo Linköping, Svedio, surprize skribis al mi: „Ĉu vi scias, ke nia sindonema kaj aktiva sekretario Einar Adamson mortis antaŭ du semajnoj? ...“ Post tiu bedaŭrinda okazo, mi kiel vicsekretario, longe korespondadis kun la prezidanto Johanson por reorganizi la sekretariejon, sed ni ne sukcesis kaj pro tio la agado de la estraro iom post iom restis en stagno.

Nillo Kavenius,

TURKU, Finnlando,

PRI LA MEMBRECO DE TEJA

Responde al la artikoleto de s-ano Red. M. Niewiarowski, publikigita en la decembra numero de „Internacia Journalisto“, mi esprimas mian konsenton pri kelkaj vidpunktoj, sed pri la ceteraj mi ne povas samopinii.

Citante la frazon: „Ni devas serioze zorgi pri la profesia pureco de niaj vicoj, pri la alta nivelo de nia TEJA-afero“, mi nur volas atentigi la legantaron pri la multaj amatoraj verkistoj kaj publicistoj neprofesiaj.

Se nur profesiaj journalistoj povus aniĝi, mi kuraĝas aserti, ke tiamaniere ni perdos diversajn talentulojn el la vicoj de la organizo, kiuj pro sia talento kapablas konkuri kun multaj latüprofesiaj journalistoj.

Kiom da artikoloj kaj eĉ eseoj kaj poemoj aperas, verkitaj de amatoroj sur la verkista kampo?

Bonvolu tralegi nur la internaciajn Esperanto-revuojn kaj journalojn. Multaj el la kontribuantoj estas neprofesiaj, kiuj verkas por nacilingvaj journaloj. La apero de iliaj verkoj inter la artikoloj de profesiaj sufiĉe klare pruvas la valoron de tiu laboro.

Teorie, ĉiu kunlaboranto povas aniĝi al TEJA, sed, laŭ nia modesta opinio, nur la estraro de TEJA rajtas prijuĝi akcepton aŭ ne-akcepton de nova ano. Ni jam sufiĉe konvinkigis pri la serioza rilato de la estraro al tiu demando kaj tial estonte ni povos esti sufiĉe trankvilaj koncerne tiun ĉi aferon.

Ni konsideru la konsekvencojn, se oni postulus nepran profesiecon de gazeta kontribuanto, kiu volus aniĝi al TEJA. Multaj verkantoj en malgrandaj landoj ne

povus fari tion, ĉar la cirkonstancoj ne permesas al ili, pro financaj kaŭzoj, fariĝi profesiaj. Multaj nederlandaj verkistoj gajnas la ĉiutagan panon per neli-literatura laboro, eĉ per aliaj medioj. Iliaj verkoj estas bone akceptataj de la publiko. Ni ne forgesu ankaŭ la neeblecon de ilia profesiaj, pro la tro malalta nombro de la legantaro en malgrandaj landoj.

Tial, pripensinte tiun ĉi vidpunkton, S-ano Red. M. Niewiarowski konsentis pri la akcepto de neprofesiaj membroj inter la TEJA-anoj. Tiamaniere li ja konvinkigis, ke la estraro de TEJA rajtas kaj kapablas prijuĝi la intelektan nivelon kaj la mensajn ecojn de la kandidatoj.

Anton A. Leenhard,
Nederlando.

PRI NIA ORGANO

Kelkajn vortojn mi volas skribi pri „Internacia Journalisto“ kaj ĝiaj perspektivoj.

Eble en nenia alia organizo internacia la presorgano ludas tiom gravegan rolon, kiel en internacia organizo de journalistoj. Ja la journalistoj faras la „veteron“, ili organizas la publikan opinion per siaj veraj aŭ falsaj opinioj. Kaj por nia movado „Internacia Journalisto“ estas aparte valora. Mi volas ilustrii mian penson per jena ekzemplo. La talenta soveta poeto Gribačov, reveninta el Usono skribis artikolon en „Literatura gazeto“ kaj, menciante la diverslingvecon, inter alie skribis: „Esperanto bedaŭrinde ne kapablis plenumi la rolon de internacia lingvo.“

Mi sendis al li grandan leteron kaj demandis lin kian fundamenton li havas por fari tiajn decidajn asertojn: li mem nek

scias esperanton, nek scias pri ĝia movado.

Li respondis al mi, ke li menciis nur faktojn. Li ofte kaj multe vojaĝas, vizitis dekojn da landoj, renkontigis kun centoj kaj miloj da journalistoj kaj verkistoj kaj neniam renkontis eĉ unu esperantiston. Malgaje sed faktoskribis li.

Mi respondis al li, se li mem scius esperanton, li sendube renkontus esperantistojn.

Sed tio montras kiom da laboro staras antaŭ ni por disvastigi esperanton inter la journalistoj kaj prui, ke esperanto kapablas plenumi sian rolon kiel internacia lingvo.

Mi esperas, ke nia longatendita kaj kara, kvankam dume tre modesta interligilo „Int. Journ.“ farigos potenca organo de tutmonda journalistaro, kies materialojn serĉos la naciaj gazetoj.

Tio sendube estos. Kio koncernas la interŝangan servon de TEJA, do ĝia nefarigebla manko estas la komplikeco de tiu servo, ĝia longdaŭreco. Ja ĉiu artikolo estas interesa nur se ĝi aperas ĝustatempe. Post kelkaj monatoj la plej granda parto de materialo jam perdos sian aktualitecon. La mekanismo de tiu servo ne permesas ĝian baldaŭnan realigon.

Estus ideale se sur la paĝoj de „Internacia Journalisto“ senpere povus aperi interesaj materialoj, sed dume tio estas ankoraŭ neatingebla.

Do, ni laboru intensive por atingi tion. Miaj malgrandaj intereso estas, ke mi ekinteresigis miajn lokajn journalistojn per esperanto. Ili volonte akceptas materialojn kaj utiligas ilin en la gazetoj-rusa kaj kartvela.

IDA LISIČNIK
Kutaisi, USSR.

EL LA VIVO DE LA JURNALISTOJ

Internacia tago de **jurnalista solidareco**

En la Tago de la Internacia **Jurnalista Solidareco** (8. IX.) en urbo Arhangelsk, Sovet Unio, okazis **jurnalista kunveno**. En la raporto oni rememorigis pri la mortigita ĉeĥoslovaka **jurnalisto Julius Fučík**. La TEJA-ano Al. Erjuhin parolis pri la Tutmonda Esperantista **Jurnalista Asocio** kaj pri la rolo de la internacia lingvo Esperanto. En la akceptita de la kunveno rezolucio estis notite pri la neceso de kontakto inter sovetaĵ kaj alilandaj **jurnalisto**. Adreso: Komitato de **Jurnalisto**, redakcio gazeto „Pravda Severa“, Arhangelsk, USSR.

Al. Erjuhin

„TRA BRAZILAJ PRAARBAROJ“ EN POLA LINGVO

Dank'al la klopodoj de nia TEJA-ano Mag. phil. Mieczyslaw Zgorzewski el Wrocław, Pollando, komence de 1959 jaro la granda pola eldonejo „Czytelnik“ en Warszawa publikigis en 10,000 ekz. la tre interesan verkon de s-ano Tibor Sekelj „Tra Brazilaj praarbaroj“. Oni pritraktas kun alta eldonejo la aperigon de aliaj verkoj (porinfanaj) de T. Sekelj.

Parto de „Tra Brazilaj praarbaroj“ aperis en bulgara lingvo en la revuo „Geografio“, tradukita de nia kolego Murgin Canko.

La verko de T. Sekelj aperis en aparta libro ankaŭ en slovaka lingvo tradukita el germana eldono, dank'al la klopodoj de s-ano Stefan Vesely el Marton, Ĉeĥoslovakio.

RICEVITAJ ESPERANTAJOJ

Unua Oficiala Bulteno — de la Loka Kongresa Komitato de la 44-a Universala Kongreso de Esperanto en Varsovio — 1959.

Prospekto pri Varsovio — eldono de Lo-Ko-Ko-Varsovio, ricevebla senpage en la Pola Vojaĝoficejo „Orbis“ en ĉiuj landoj.

Kantoj por la paco — poemoj originale verkitaĵ kaj tradukitaĵ de nia bulgara TEJA-ano Canko Murgin. Eldonis: Ehon, Landskröna, Svedio.

Esperanto — 32-paĝa lernolibro de esperanto por rumanoj de Florian Paraschivescu, Craiova, Rumanio.

La Esperantista Laboristo — de Franca Labor-Esperantista Federacio, n-ro 49-50, majo-aŭgusto 1958.

Voĉo el Indonezia — stencilita gazeto de Indonezia Esperanto-Asocio.

Esperanto de UEA, n-ro 634, septembro kaj 635, oktobro 1958.

Argentina Esperantisto — organo de la Ligo Argentina de Esperanto, n-ro 327-331, 1958.

The Australian Esperantist („La Rondo“), n-ro 2 (82) 1958.

Buletin de la Federacion Esperantista Española, n-ro 4, julio-aŭgusto 1958.

El popola Cinio — de Ĉina Esperanto-Ligo, n-ro 4, 1958.

Nuntempa Bulgario — monata kultura revuo, n-ro 8, aŭgusto 1958.

Esperanta Bulteno — de Esperanta klubo „Zamenhof“, Brazilo, n-ro 37, julio 1958.

NOVAJ MEMBROJ DE TEJA

Georgi Jakovlevič Kortkev, ul. Jdanova 21, ESND Moskva, USSR

Sylla Chaves, 34 rue d'Auteuil, Paris 16, Francio

S-ino Tuyet-Tham, ĵurnalo „Phu nu“, Hôi Liên hiep Phu nu Vietnam, **Nanoj**, Vietnamio.

Hanh-Cân, ĵurnalo „Thu-do“, **Hanoj**, Vietnamio.

Huynh-van-Thanh, Radio-stacio „Tieng Noi Vietnam“, **Hanoj**, Vietnamio.

Nguyen-hai-Trung, gazeto „Van hoc“, Hôi nh van Viêt-nam, **Hanoj**, Vietnamio.

D-ro Dino Fabris, Borgo Bassano 5, **Cittadella** (Padova), Italio.

Stig Löfberg, Hallandsposten, **Halmstad**, Svedio.

Ing. Berthold Guttman, Horská Bistrice 296, Behanky-Teplice Lazne, Ĉeĥoslovakio.

Ivan Bataklijev, str. Peruštica 7, **Plovdiv**, Bulgario.

Gevork Gevorkjan, Hoktemberjan 27, hak I mutk. 2, **Erevan**, Sov. Armenio. USSR.

Sison Martirosjan, Moskovjan 105, **Erevan** Sov. Armenio, USSR.

ESTRARO DE TEJA

Prezidanto — Olav Thormodsen, Bo 132, **Haugesund**, Norvegio.

Vicprezidanto — Niilo Kavenius, Nikla sengatu 10/14, **Turku**, 9, Finnlando.

Sekretario-kasisto — D-ro Dino Fabris, Borgo Bassano 5, **Cittadella** (Padova) Italio.

Helpsekretario — Maria Vogel, Knie bisstrasse 31, **Stuttgart**, Germanio.

Redaktoro — Ivan Keremidčiev—Esperov, bulv. Hristo Botev 98, **Sofia** 2, Bulgario.

Membroj — André Ribot, 11, rue Pav Vergnes, **Marmande**, Francio; Takač Žiljko, Zagreb, Jugoslavio.

Redaktoro: IV. KEREMIDČIEV — ESPEROV, blv. „Hristo Botev“ 98, tel. 3-34-04, Sofia 2, Bulgario

Ŝtata presejo „Narodna prosveta“ — Sofia